



Broj: 05-04-20-1201-7/26  
Maglaj, 17.04.2026. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-1201-5/26 od 16.04.2026. godine, u postupku javne nabavke „Izgradnja dječijeg igrališta i poligona u MZ Strupina, općina Maglaj“, Općinski načelnik donosi

## **ODLUKU**

o izboru najpovoljnijeg ponuđača

### **I**

Prihvata se preporuka Komisije za javne nabavke i ugovor o nabavci radova na izgradnji dječijeg igrališta i poligona u MZ Strupina, općina Maglaj, dodjeljuje se ponuđaču “Hajdić” d.o.o. Maglaj, u skladu sa ponudom broj 25/26 od 14.04.2026. godine, po ukupnoj cijeni od 40.000,00 KM bez PDV-a, odnosno 46.800,00 KM sa uračunatim PDV-om.

### **II**

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

### **III**

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

### **IV**

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

## **O b r a z l o ž e n j e**

Odlukom o pokretanju postupka, broj 05-04-20-1201-1/26 od 23.03.2026. godine, pokrenut je postupak javne nabavke „Izgradnja dječijeg igrališta i poligona u MZ Strupina, općina Maglaj“, putem otvorenog postupka. Predmetna nabavka objavljena je na portalu javnih nabavki, Obavještenje o nabavci broj 1140-1-3-40-3-32/26 od 24.03.2026. godine. Sažetak obavještenja o nabavci objavljen je u „Službenom glasniku BiH“, broj 23/26.

Procijenjena vrijednost nabavke je 48.717,95 KM bez PDV-a, odnosno 57.000,00 KM sa PDV-om. Kriterij za dodjelu ugovora je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-926/25 od 22.05.2025. godine (u

daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljeno šest ponuda, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	“Geo-put” d.o.o. Maglaj	Poljice bb, Maglaj	14.04.2026. 07,30h	3688
2.	P.D. “BN Transport” d.o.o. Zavidovići	Vikovići bb, Zavidovići	14.04.2026. 08,15h	3689
3.	“Tadić-cop” d.o.o. Žepče	Tatarbudžak bb, Žepče	14.04.2026. 08,33h	3691
4.	“Hajdić” d.o.o. Maglaj	Misurići bb, Maglaj	14.04.2026. 08,37h	3692
5.	“Porobić” d.o.o. Zavidovići	Radnička ulica bb, Zavidovići	14.04.2026. 08,41h	3695
6.	“Pervan bau” d.o.o. Žepče	Ponijevo bb, Žepče	14.04.2026. 08,57h	3696

Komisija je, prilikom otvaranja ponuda, konstatovala da su zaprimljene ponude prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Ponuđač “Porobić” d.o.o. Zavidovići je dostavio ispravno zatvorenu i označenu kovertu, međutim Komisija je, nakon otvaranja, konstatovala da u istoj nije dostavljena ponuda za predmetni postupak, zbog čega je ovaj ponuđač je isključen iz daljeg postupka.

Komisija je potom, na zatvorenoj sjednici, izvršila pregled i ocjenu preostalih ponuda, kako bi utvrdila da li iste ispunjavaju zahtjeve u pogledu ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom.

Komisija je utvrdila da je cijena ponude ponuđača “Tadić-cop” d.o.o. Žepče (58.552,00 KM bez PDV-a) veća od procijenjene vrijednosti nabavke (48.717,95 KM bez PDV-a), zbog čega je istu odbacila, u skladu sa članom 2. stav (1) tačka 1) alineja 2) Zakona o javnim nabavkama, koji propisuje da je *neprihvatljiva ponuda čija cijena prelazi planirana, odnosno osigurana novčana sredstva ugovornog organa za nabavku.*

Komisija je odbacila i ponudu ponuđača „Pervan Bau“ d.o.o. Žepče, iz razloga što ponuđač nije pravilno popunio Obrazac za cijenu (Aneks 2), konkretno nije naveo jediničnu cijenu za stavku 13–*Izrada i ugradnja plastificirane ograde od čeličnih profila 40x40x3mm sa osovinskim razmakom vertikalnih cijevi od 200cm, sa ispunom od PVC pletiva, boja po izboru investitora; Visina ograde 1,75m; količina 30,40m*, a u skladu sa tačkom 4.4. tenderske dokumentacije koja propisuje da su ponuđači dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu; u slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova ponuda će biti odbačena; ponuđač je dužan dati ponudu za sve stavke; jedinične cijene za svaku stavku u obrascu za cijenu ponude moraju biti popunjene.

Komisija je ocijenila prihvatljivim ponude ponuđača „Geo-put“ d.o.o. Maglaj, P.D. “BN Transport” d.o.o. Zavidovići i “Hajdić” d.o.o. Maglaj, te su ovi ponuđači pozvani u e-aukciju.

E-aukcija je zakazana za dan 16.04.2026. godine s početkom u 12,30 sati. Nakon održane e-aukcije, konačna rang lista u predmetnom postupku je sljedeća:

r/ b	Naziv ponuđača	Cijena / KM bez PDV-a	Cijena / KM sa PDV-om	Procenat snižavanja cijene na aukciji
1.	“Hajdić” d.o.o. Maglaj	40.000,00	46.800,00	17,09%
2.	P.D. “BN Transport” d.o.o. Zavidovići	40.500,00	47.385,00	16,86%
3.	“Geo-put” d.o.o. Maglaj	45.000,00	52.650,00	7,45%

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da ugovor za nabavku radova na izgradnji dječijeg igrališta i poligona u MZ Struopina, općina Maglaj, dodijeli ponuđaču „Hajdić” d.o.o. Maglaj. Preporuka je, zajedno sa izvještajem o radu Komisije, dostavljena rukovodiocu ugovornog organa 17.04.2026. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za izbor najpovoljnijeg ponuđača i dodjelu ugovora. Uvidom u priloženu dokumentaciju, utvrđeno je da je Komisija u svemu pravilno postupila, te da je izabrani ponuđač dostavio prihvatljivu ponudu, sa najnižom cijenom nakon e-aukcije, a imajući u vidu navedeno, kao i činjenicu da je kriterij za dodjelu ugovora u predmetnom postupku najniža cijena, ugovorni organ je utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od deset dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



